


BIBLIOTEKA

Zakl. Nar. im. Ossolińskich

XVII

723



CONSTITUTION

OF THE

STATE OF

NEW YORK

AS REVISED

AND AMENDED

TO THE

PRESENT

SESSION

OF THE LEGISLATURE

IN THE

YEAR

OF

1892

AND

1893

OF THE


LEGISLATURE

OF THE

STATE

OF

NEW YORK



CONSTITVTIONES³
Dioecesanae Cracouienses,

*In diuersis Synodis sub Illustr^{mi} & Reuerend^{mis}
Dominis,*

GEORGIO Cardinali RADZIWIŁ,
BERNARDO MACIEIOWSKI,
PETRO TYLICKI,

*Episcopis Cracouiensibus,
sancitæ & promulgatæ.*

Iussu Ill^{mi} & Reueren^{mi} Domini PETRI TYLICKI,
Episcopi Crac. prælo mandatæ.



CRACOVIAE,

*In Officina Typographica Andreae Petricouij.
Anno Domini, M. DC. VIII.*



XVII-723-II

PETRVSTYLICKI,

Episcopus Cracouiensis, &c.

Clero Diœcesis nostræ, Christi IESV gratiam & pacem.

Q Vicunque aliquando Præfecturam animarum Diuina vocatione gesserunt, eorum præceptis & exemplis, quæ nostrarum debent esse norma actionum, instruimur; vt quoties difficultates Ordinem Hierarchicum exerceant, aut in eum morbi irrepant, iis tum agnoscendis, tum sanandis; illorum Conuentus agamus, qui in partem ministerij pastoralis nobiscum adsciti sunt. Neque aut virtutum studiis conseruandis auxilium, aut vitiorum illecebris rescandis remedium, præsentius, & efficacius, omnes qui in plenitudinem potestatis in Ecclesia militante fuerunt vocati, indicârunt, dum multiplicia de Synodis per Episcopos cogendis, omnibus ætatibus decreta promulgârunt, & eadem in Generali Concilio Tridentino innouârunt. Sed quemadmodum tales pastorum Conuentus, ac ea quæ in illis sancita sunt, vtilissima ac necessaria esse animaduertunt omnes, sic iidem iudicant, eorum neglectum inscitiamq; difficultatum procellas, quæ ordinem sacrum

exagitant, moresq; deprauatos, non modò non abolere,
sed multò magis augere. Quorsum enim sciscerentur le-
ges, si neglectæ aut ignoratæ obliterarentur, & non mori-
bus omnium stabiliantur? His causis permoti sumus, ut
Synodi nostræ nuper Cracouiæ habitæ Constitutiones in
lucem edamus. Eodem consilio duarum anteriorum Di-
cæcesis nostræ Synodorum decreta, à duobus Antecessori-
bus nostris, quorum memoria sit in benedictione, & no-
mina in libro vitæ, promulgata, rursus prælo subiici man-
dauimus; ne Ordinationes eis comprehensæ, quæ perpetu-
um Dicæcesis commodum respiciunt, intermittantur, aut
contrariis moribus exautorentur. Et cum Apostolo do-
cente, neque qui plantat, neque qui rigat, sit aliquid, sed
qui incrementum dat Deus, eius maiestatem precemur,
ut qui bonas omnium cogitationes & consilia aspirando
pro infinita sua bonitate præuenire consuevit, hoc nostrum
institutum, ad laudem sui nominis, fidei Catholicæ incre-
mentum, morum in clero & populo emendationem,
adiuuando prosequatur, Ecclesiæq; suæ sa-
lutare esse velit.

CON-

CONSTITVTIONES

Synodi Diœcesanæ Cracouien.

Die 29. Martij. Anno Domini, 1593. celebrata.

SYNODVS DIOECESANA CRAC.

Authoritate Illustriss. & Reuerendiss. Domini, Dñi
GEORGII RADZIWIL, miseratione Diuina T.T. Sancti
Sixti Presbyteri Cardinalis, perpetuq; Administra-
toris Episcopatus Cracouiensis, in Ecclesia Cathedrali,
die xxix. Mensis Martij, Anno Domini, M. D. nonage-
simo tertio, legitimè incepta, & duobus postea diebus
sequentibus in vicina Ecclesia Collegiata S. Michaëlis
in arce Cracouien: continuata, & conclusa fuit. Cuius
quidē Synodi decreta, de vnanimi consensu Prælatorū,
tam seculariū quàm regularium, totiusq; cleri eiusdem
Diœc. qui ad eam Synodū frequens cōuenerat, modo
infrascripto promulgata, & ad futuram rei memoriam
descripta sunt: vtq; Typis excuderētur, demandatū est.

1. **A**Nte omnia, Synodus hæc decernit & statuit, vt nemo Abba-
tum & Prælatorum, audeat & præsumat, vllas bonorum Ecclesię
sue cui præsunt, alienationes, similiter & contractus, ac locatio-
nes, quæ sapiant alienationem, vel in detrimentum qualecunque
Ecclesię sue cedant, omninò facere; nisi de speciali sanctæ Sedis
Apostolicæ, Lociordinarij, ipsiusq; Capituli consensu & appro-
batione. Vbi tamen contractus intercedunt, vel non diuturni,
vel de fructibus ac prouentibus non adeò magnis, Lociordina-
rij, si-

C O N S T I T U T I O N E S

rij, simul & ipsius Capituli: vbi de paruis & paruo tempore duraturis; solius Lociordinarij consensus sufficere debet.

2. **D**Einde eadē Synodus decernit, innouaſſe antiqua Statuta hac in parte edita, vt omnes Eccleſiaſticae perſonae, ſiue ſeculares, ſiue regulares, cuiuſcunq; ſtatus & conditionis exiſtant, conſuram deferant, vtanturq; proprio & conuenienti ſuae cuiuſq; profeſſionis habitu, iuxta illam vulgò trita ſententiam: *PVLCHRIOR APPARET, QVI SVA IVRA TENET.* Vtq; ad euitandum luxum in veſtitu, obſeruentur ſtatuta Prouincialia, ſuper hac materia ſancita.

3. **I**Tem, decernit eadē Synodus, vt contra quaſcunq; Eccleſiaſticas perſonas, cuiuſcunq; ſtatus & conditionis exiſtant, de immundo concubinitus vitio ac peccato conuiſtas, poenę iuxta præſcriptum Concilij Tridentini Seſs: 25. (*Quàm turpe*) & Statutorum antiquorum Prouinciæ Gneſneſi extendantur. Ob idq; Synodus hæc iam exnũc Conſtitutiones hæſce Concilij Tridentini, Synodi q; Prouincialis publicat, & intimat omnibus, & pro publicatis, atque intimatis haberi vult.

4. **I**Tem decernit eadē Synodus, inhæreſſe ſtatuto Concilij Trident. hac in re edito, ne SS. Miſſæ ſacrificium, ſiue à ſecularibus, ſiue à regularibus quibuſcunq; preſbyteris celebretur priuatis in domibus, atq; omninò extra Eccleſiam, & ad diuinum tantum cultum dedicata oratoria conſecrata, vel Altare portatile ex antiquo poſitum habentia. Vtque ex Conſiſtorijis quibuſcunq; literæ indultæ huiuſmodi non extradantur.

5. **I**Tem, decernit eadem Synodus, vt in inſignioribus Diœceſis huius Eccleſiis, Poenitentiarij idonei conſtituantur: qui habeant facultatem abſolueſſe in caſibus ſedi ordinariæ reſeruatis.

6. **I**Te, decernit eadē Synodus, ne Preſbyteri, qui Capellani vulgò vocantur, circa perſonas ſeculares quaſcunq; verſentur, munusq; ſacerdotale obeant, ſine ſpeciali admiſſione Dñi Lociordinarij.

7. **I**Tem, decernit eadem Synodus, vt in decantandis officiis diuinis, vniformitas iuxta ritum S.R. Eccleſiæ, vbiq; per vniuerſam hanc Diœceſim ſeruetur. Ac ideo poſtulat, vt libri Eccleſiaſtici,
ad con-

ad conformitatem huiusmodi necessarij, primo quoque tempore imprimantur.

8. **I** Tem, decernit eadem Synodus, vt Processus hic Parochorū informatorius, qui publicè lectus est, & à nemine reprobatus, quamprimum excudatur, excussusq; ad Officiales foraneos transmittatur, sigillo officij obsignatus; vt ab illis per vniuersas Parochias publicetur, post publicationemq; ab omnibus Parochis ad amussim obseruetur.

9. **I** Tem, decernit eadem Synodus, vt literæ Monitionis, sub titulo & sigillo Illustriss. Dñi Episcopi Cracouiē, dirigantur ad eas seculares personas, quæ suis in Ecclesiis proprios Parochos non habent, quò intra sex mensium decursum, ad hasce Parochias suas præsentent idoneas personas: alioquin, si id facere neglexerint, vt Authoritate Ordinaria de illis provideatur.

10. **I** Tem, decernit eadē Synodus, populo sub desertatis Parochiis degenti, viciniore Parochos Sacramenta Ecclesiastica licitè conferre posse. Aliàs nequaquam, nisi de licentia proprij Parochi.

11. **I** Tem, decernit eadem Synodus, atq; interdicit, ne Religiosi quicunq;, etiam exempti, audeant & præsumant, in vilipendium Authoritatis Ordinariæ, confitentes, à casibus Episcopalibus, atque etiam excommunicationibus absoluerè, sine speciali licentia sedis Ordinariæ.

12. **I** Tem, decernit eadē Synodus, vt Vicarij Ecclesiarum Parochialium, vbi id fieri potest, habeant prouisiones proprias, assignata illis de fructibus & prouentibus Ecclesiæ illius, cui seruiūt, congrua portione. Aliàs debito sálario erunt contenti.

13. **I** Tem, decernit eadem Synodus, supplican̄ esse nomine ipsius, SS^{mo} D. N. vt Ill^{mo} D. Loci ordinario concedat facultatem disponendi ac dispensandi circa pluralitatem beneficiorum, quando iustæ & rationabiles causæ interueniunt, ad arbitrium ipsius; considerata & sacerdotiorum & personarum qualitate.

14. **I** Tem, decernit eadem Synodus, vt Procuratores certi constituantur, ad quos pateat recursus Parochis, aliisq; Presbyteris egenis &

nis & pauperibus, pro ipsorum defensione ab iniuriis & oppressi-
onibus secularium, ac bonorum Ecclesiasticorum recuperatione.

15. ¶ Tem, decernit eadem Synodus, vt circuitus circa fontem
seu Baptisterium, qui antea tribus diebus Paschatis perageban-
tur, non nisi Sabbatho sancto circa benedictionem aquæ fiant.

16. ¶ Tem, decernit eadem Synodus, vt in Consistoriis ubiq; se-
paratus habeatur liber, in quo excessus Cleri, si qui fortè ad iudi-
cium spirituale deuenerint, annotentur, vtque liber hic non di-
uulgetur.

17. ¶ Tem, decernit eadem Synodus, ne scholares qui certas se-
des non habent, ex vna schola in aliam commigrare audeant, nisi
de licentia & cum testimonio sui Rectoris, sine quibus nulla rati-
one à quoquam scholæ Rectore, debent recipi. Alioquin schola-
res temerè vagabundos, pœna arbitraria puniendi esse.

18. ¶ Tem, decernit eadem Synodus, quoniam reperiuntur lo-
ca quædam solitaria non approbata, ad quæ confluere solent ho-
mines, nescitur qua deuotione permoti, vt Visitatores mittantur
eò, qui diligentem inquisitionem faciant de locis huiusmodi, ne
fortè imponatur plebi imperitæ, ac idololatria ibi exerceatur.

19. ¶ Tem, decernit eadem Synodus, deputandos esse, iuxta
præscriptum S. Concilij Tridentini cap: x. Sess: xxv. viros Iurispe-
ritos, ad audiendum causas per commissionem à S. sede Apostoli-
ca deuolutas. Deputatiq; sunt ad huiusmodi negotium, Reue-
rendi Domini, MARTINVS Izbienski de Rusiec Scholasticus,
IOANNES Crasinski Cantor, HIERONYMVS Povvodovvski,
PETRVS Gorcinius I. V. Doctor, Canonici Ecclesiæ Cathedralis
Cracouiens. MARTINVS à Radomskie, Præpositus S. Nicolai ex-
tramœnia Crac. MATTHIAS Bech Præpositus, IOANNES Wiel-
cki Decanus & Officialis Ecclesiæ Collegiatæ Sendomiriens.

CONSTITVTIONES SYNODI DIOECESANÆ CRACOVIENSIS,

CELEBRATÆ ANNO DOMINI,
M. DCI. X. KAL. IVNII.

PRÆSIDENTE

Ill^{mo} & Reueren^{mo} D. BERNARDO MACIEIOVSKI,
D. G. Episcopo Crac. Duce Seuerien.

De erudiendo populo in doctrina Christiana.



NIHIL EST INDIGNIVS ET ABSURDUM magis, quàm eos, qui nomine Christiano censentur, præcipua saltem, atq; ad salutem necessaria, Christianæ fidei ignorare capita: quia tamen hoc malum, per totam, hanc ferè Diocesim, adeò inualuit, vt pauci sint admodum, præsertim ex rustica plebe, qui non in maxima rerum huiusmodi ignoratione versentur: statuit & ordinat Synodus, vt Parochi, & alij quicunq; curam animarum habentes, maxime in villis, non solum in templis, festiuis diebus dum concionabuntur, vel quando pro loci & hominum ratione, opportuniùs illis videbitur, ipsi per se, vel suos Vicarios, modum signandi se sancta cruce, Orationem Dominicam, Salutationem Angelicam, Symbolum fidei, Decalogum, præcepta Ecclesiæ, confitendi & communicandi normam, diligenter populum edoceant; verumetiam visitando domos singulorum, ac quàm piè & Christianè viuant inquirendo,

CONSTITUTIONES

rendo, hæc eadem illis fidei & religionis rudimenta sedulò inculcent: moneantq; imprimis patres & matres familiàs, vt erudiendis in iisdem liberis atq; familia sua, strenuè inuigilent. In ciuitatibus autem & oppidis, vbi & cultior est populus, & exercendæ huius tam necessariæ rei commoditas melior; non contenti diligentia supradicta, dent operâ Parochi; vt pueri in Scholis, præter alias disciplinas, pro ætate & captu illorum proponendas à Magistris, Catechismum etiam Ledesinæ diligenter ediscant, recitentq; publicè festiuis diebus, in Parochialibus vel Collegiatis Ecclesiis, audiente populo: quodq; illi recitauerint, Parochi vel alii, quibus hoc ex officio incumbit, vberius tunc statim & quàm poterunt familiarissimè enucleent. Ita enim fiet, vt populus ex frequenti eorundem repetitione explicationeque, faciliùs illa & firmiùs memoria teneat.

De instituendo Clericorum Ordinandum Seminariorum Seminario.

CV M integritas præfidentium salus sit subditorum, nihilq; in Ecclesia Dei valeat magis ad piè & sanctè instituendos aut deprauandos fidelium mores, quàm vel virtutes vel vitia Sacerdotum, qui pascendis verbo & exemplo plebibus, forma facti Dominici gregis, præponuntur: nullum autem ad eosdem exercendos in doctrina curæ animarum necessaria, pietatèq; & religione omni informandos, præsentius & efficacius remedium inueniri possit eo, quod sapientissimi totius Christianitatis, & Spiritu Dei inspirati homines, in sacro Oecumenico Concilio Tridentino prudentissimè statuerunt, tamq; sollicitè & anxie demandandū vbiq; executioni debitæ inculcant: decernit hæc eadem Synodus, vnanimi omnium, etiam Regularium qui ei interfunt, consensu; vt iuxta decretum mentemq; Concilij, Semina-

SYNODI CRAC.

Seminarium, siue domus Clericorum Ordinandorum, Cracouiæ apud Ecclesiam Cathedralem erigatur.

Quia verò magna in hac Ciuitate & reliqua Diœcesi scholarum, ac præsertim Academiæ Cracouiens habetur commoditas, in quibus iunior adolescentium ætas formari & instrui potest: longumq; ac dispendiosum nimis esset, in tanta ministrorum Ecclesiæ paucitate, puerorum, qui à teneris annis educarentur, maturitatem expectare: eos tantum iuuenes, ad prædictum Seminarium admittendos statuit, qui iam in literis per alias scholas mediocriter fuerint versati; morumq; imprimis honestate, spem futuræ frugis certissimam afferant; & vigesimum ætatis annum saltem attigerint; vt eò celerius promoueri ad Ecclesiasticos Ordines, per præscripta à sacris Canonibus interualla temporū, exercitatiq; in eisdem & aliis sacerdotali officio necessariis, addici ministerio Ecclesiarum possint.

Docebuntur autem præcipuè elucidationes controuersiarum de fide cum hæreticis, Casus conscientiæ, rationem prædicandi verbi Dei, atque administrandi Sacramenta, cantum item, computum, & cæremonias Ecclesiasticas, aliæque his similia, modo & ordine præscribendo à Reuerendis, Domino Episcopo, cum adscitis & adiunctis sibi pro consilio, Reuerendis DD. Ioanne Barski Archidiacono, Nicolao Dobrocieski Canonico, Cracouiensibus, Fr. Melchiore Abbate Chebdouien, & Rectore Academiæ Cracouiens pro tempore existenti; vel si is aliquando secularis fuerit, Theologo eiusdem Vniuersitatis Canonico Cracouiens vice eius, qui etiam de fabrica, ratione viuendi, Præceptoribus, Ministris, & aliis occurrentibus Seminarij negotiis consulent; atque voluntate Reuerendis. Domini Locordinarij prouidebunt.

Pro institutione porrò & sustentatione dicti Seminarii, quæ non modicos sumptus ac impensas requirunt, statuit &

C O N S T I T U T I O N E S

Ordinat hæc eadem Synodus, vt donec alia prouidēdi ei ratio non occurrit, contributio interim simpla iuxtā antiquā taxam in Diocēsi consueta, persoluantur tribus annis proximē sequentibus, ex fructibus tam Episcopalis mensæ, quod Reuerendiss. Dominus Episcopus vltro & libenter admisit, quàm Capitulum Cathedralis & Collegiatarum Ecclesiarum quarumcunque; Abbatiarum item, Præpositurarum, ac Prioratum cuiuscunque Ordinis; necnon beneficiorū & locorum omnium, quæ ex decreto Concilij contribuere hoc nomine tenentur. Quam prædictam simplam, reliqui quidem beneficiati ad Officialem, & in Archidiaconatu Cracouiē qui latius cæteris patet, ad Decanum quisque, suum, Capitula autem, Reuerendi Domini Abbates, & Rectores quicunque Monasteriorum, vnā cum prædictis Officialibus Foraneis, & Decanis Ruralibus, ad manus Reuerēdi D. Ioannis Foxij Canonici Cracouiē, Collectoris pro nunc ad eam rem deputati, infrā duas septimanas post festum sancti Martini, etiam hoc anno sub pœna duplæ Contributionis deferent.

Cupiens autem vlteriùs Reuerendiss. Dominus Episcopus, necessitatibus Seminarij sine vlllo grauamine Cleri prouidere: insistensq; eidem Concilio, duo Altaria iurispatronatus sui Episcopalis, quæ in Ecclesia Cathedrali sita extant, sanctæ nimirum Margarete ante sacrarium, & sancti Thomæ Cantuariē in Capella Tomiciana, applicat iam ex nunc, incorporat, & vnit eidem Seminario pro temporibus perpetuis; de consensu speciali Reueren. DD. Prælatorum & Canonorum, totiusq; Capituli Ecclesię eiusdem Cathedralis, cum omnibus illorum prouentibus, iuribus, & attinentiis; sine diminutione tamen Diuini cultus, atque modernorum possessorum præiudicio.

Denique erectione & institutione hac Seminarij, nihil libertatibus & ordinationibus Academia Cracouiē præsens Synodus præiudicare intendit.

De eri-

*De erigenda domo pro infirmis & senio confectis
Sacerdotibus.*

ET quia quàm necessarium est ad promouendam populi salutem, Clericos artibus & moribus optimis institui, officium què suum benè ac laudabiliter peragere; tam pium emeritis in hoc sancto opere, postquàm ætate & viribus defecerint, & ad obeunda munia Ecclesiastica minùs fuerint idonei, de necessariis vitæ prouidere; ne vel in Ecclesiarum detrimentum iuniorum & aptiorum laboribus loca occupare, vel rerum inopia ac ærumnis confici, contraquè dignitatem clericalis ordinis mendicare cogantur: placuit Synodo peculiarem domum pro alendis infirmis & decrepitis Sacerdotibus, qui vnde se sustentent non habebunt, Cracouiæ erigi; proquè victu & necessitatibus eorundem, relicta quæcunque intestato à Clericis per hanc Diœcesim; necnon dimidiam partem legatorum ad pias causas, dispensandorum indifferenter atque pro Executorum arbitrio; pœnas itèm Synodales atque Officij omnes; fructusquè sequestrandos ob quæcunque Clericorum delicta applicare: prout ex nunc, assensu & expressa Reuerendis. D. Episcopi voluntate, applicat: salua tamen dispositione de intestatis à Constitutionibus Prouincialibus sancita; vt deductis primùm deducendis iuxta eas ex defuncti peculio, reliquū pro eadem domo conuertatur.

De iuuandis pauperibus.

Tanta est in hac Diœcesi multitudo atque necessitas pauperum, magno in cordibus hominum, non charitatis solum Christianæ, sed & sensus humani propè extincti iudicio; verendum vt sit, ne post multiplices plagas, quas nobis continuè diuina iustitia infligit, grauiores nos maneat



neant hoc nomine, quòd carnem ex carne ossa que ex ossibus nostris quasi odio habentes, fratres nostros eodem quo nos sumus Christi sanguine redemptos, frigore plerumque enectos, fame que ac pœdore consumptos, languere & mori in conspectu nostro patimur. Quibus malis cupiens tempestiuè occurrere Synodus, extentam que ad vindictam flectere Domini manum; monet ac hortatur vniuersos Clericos, cuiuscunque status & conditionis existant; vt induti viscera misericordiæ, non solum pro parte ac viribus ipsi suis succurrant inopiæ pauperum; verum etiam sæculares ad idem præstandum, ardentibus atque assiduis cohortationibus inflamment.

Et imprimis optat Sodalicia seu Fraternitates Misericordiæ & Lazari, quæ magna significatione Christianæ charitatis in pauperes, propagatæ iam sunt per multas Ciuitates Regni, in quàm plurimis Diœcesis huius locis, vbi id commodè fieri potest, cura & persuasione Parochorum erigi: deinde procurari diligenter Hospitalia, & caueri, ne Administratores illorum quicunque, in dispensandis annuis redditibus vel eleemosynis pauperes defraudent: à quibus propterea, Reuerendissimus Dominus Episcopus, per se, vel Commissarios suos, rationem acceptorum darorumque quotannis reposcet.

Quia verò mendicorum temerè vagantium, maximus est numerus, qui tametsi valentes viribus, quærendoque labore & opera victui, sæpe sunt idonei, mendicant tamen per Ciuitates & Oppida, ac non solum veris & incolis pauperibus eleemosynam iniquè præripiunt; sed ipsi quoque ea scandalosè, inque perniciem animarum suarum abutuntur; visum est Synodo, vt diligens deinceps habeatur eorum delectus; ac qui quidem sani & validi erunt, expellantur. à Magistratu ex Ciuitatibus & Oppidis, neque mendicare apud Ecclesias à Parochis permittantur, vel certè faciendis
operi-

SYNODI CRAC.

operibus publicis, iusta aliqua mercede, addicantur. Infirmos autem & veros mendicantes, curet quisque Parochus, ut in sua Parochia ipse & Parochiam eius, siue erigendo de nouo, vbi non habetur, Hospitali, siue assidua adiutricum manuum porrectione sustentent, ne aliàs vagentur, atque Parochiis aliorum sint oneri.

Quia tamen pro tanto egenorum numero, quantus est, & magis ac magis augetur in dies, ut multò plura adhuc haberentur Hospitalia, nequaquam sufficerent: difficilimūq; est huic malo, nisi sublata causa opem ferre: restauratis nimirum veluti aggeribus iustitiæ, per quos vi iniquitatis ruptos, immane hoc inopiæ ac miseriarum inundauit & regnat diluuium: præcipit hæc eadem Synodus, ut Prælati quicunque, prædiales vel alios quosuis subditos habentes, clementer ac benignè eo tractent. Parochi verò & cæteri, quibus cura & regimen animarum incumbit, persuadeant pariter Nobilibus, dum vel prædicant verbum Dei, vel Cōfessiones illorum excipiunt: ut tot tantisq; iniuriis, & oppressione subditorum suorum abstineant: censusq; & operas iniquè vel grauitè exigendo ab eis, sanguinem pro lacte non emungant. Hinc enim hæc noua, & numerosiora quotidie mendicorum examina prodeunt: timendumq; est, ne quod seuerè minatur, propter miseriam inopum & gemitum pauperum, exurgat aliquando Dominus, vindicetq; illos in ira furoris sui.

Ut autem tam Clerici, quàm alii quicunque, & minorem necessitatem opprimendi subditos, & maiorem commoditatem subleuandi habeant egentes, efficacissimū videtur remedium, moderatio, & parsimonia. Quamobrem Ecclesiastici omnes, memores se esse non tam dominos, quàm dispensatores bonorum Ecclesiæ, viuereq; ex pauperum patrimonio, ac peccata populi comedere: studeant imprimis conuenientem frugalitatem, seruare in omnibus,
quæ ta-

CONSTITVTIONES

quæ tamen hospitalitatem debitam non excludat: omnesq; superfluos & minùs necessarios sumptus amputent: sint in victu & vestitu moderati, pro conditione quisque sua: familias & equos vltra necessitatem non alant: supellectili non pomposa neque exquisita vtantur. deinde præter viuam, modestiæ ac parsimoniæ omnis expressam in se imaginem, persuasionibus etiam assiduis auctores sint Sæcularibus, pro suo officio; vt moderationem in omni vita colant, luxum, & expensas inutiles fugiant. Ita enim facilè ditissimi sine subditorum iniuria, Ecclesiæque & pauperibus munifici esse poterunt.

De Regularibus.

Monentur Reuerendi Domini Abbates, vt iuxta decretum Conc. Tridentini, Constitutionesq; Prouinciæ, sacram lectionem, & alias, pro captu discipulorum, in Monasteriis suis, per Regulares sui Ordinis, si reperiuntur idonei, alioqui per sæculares Magistros instituant. Ita enim Monachi, & ad alios in Spiritualibus iuuandos aptiores euadent: & otium, quod est vitiorum omnium mater, propulsabunt à se facile.

Statuit præterea Synodus, ne Religiosi, quibus cura animarum in beneficio aliquo Regulari incumbit, etiamsi à Superioribus suis destinentur ad hoc munus, audeant se ei immiscere vlllo pacto, nisi priùs examinati, approbati, atque instituti fuerint à Reuerendissimo Domino Locordinario, vel officio eius. Similiter & alii quicunque etiam mendicantes, non præsumant, præsertim extra suas Ecclesias prædicare sine eiusdem licentia: neque Confessiones audire absque examine prænio, vel nisi aliàs Reuerendiss. Domino Episcopo de idoneitate illorum constiterit, multò minùs autem administrare alia Sacramenta, sine consensu Parochorum: vel excommunicatos à pœna & culpa absoluere,
præter-

SYNODI CRAC.

præterquam in casibus à iure expressis: incurfuri aliàs pœnam excommunicationis ipfo facto, per Apostolicam tantum sedem relaxandæ, iuxta Clementinam Religiosi de Priuilegiis, quam publicat & ad notitiam omnium deducit.

De bonis & iuribus Ecclesiæ non alienandis.

PLerique Ecclesiarum Parochialium patroni, in maximum earundem præiudicium atq; dispendium populi, ut eò liberius Ecclesiasticos prouentus detineant, sibi que usurpent, non præsentant Parochos ad Ecclesias iuris patronatus sui idoneos; sed Cômendariis tantum, quos minima reddituum parte salariant, de semestri in semestre eas committi procurant. Cui malo cupiens obuiare synodus, statuit, ne deinceps literæ Commendarum huiusmodi, ab Officialibus foraneis, aut Vicario etiam generali, ad cuiusvis instantiam extradantur: & si extraditæ fuerint, nullius sint momenti ac roboris, præterquam pro primo semestri post cessum vel decessum Parochi; ne interim Ecclesia, dum illi de alio Rectore prouidetur, debitis fraudetur obsequiis.

Si quis autem Clericorum, quod absit, immemor vocationis suæ, atque instar viperæ sæuiens in viscera matris, occupauerit ipse, aut occupantes vi vel fraude, bona, iura uel Ecclesiæ, laicos, cōsilio vel opera iuuerit, nefandæ uel fraudis vel usurpationis huiusmodi fabricator aut consentiens fuerit; præter excommunicationis pœnam, quam, à solo Romano Pontifice, neque prius, quam bona iura uel prædicta restituantur Ecclesiæ, absolueudus, incurreret, beneficiis etiam omnibus priuatum illum esse, atque ad alia quæcunque inhabilem reddi, suspendendumq; ab executione Ordinum suorum, etiam post integram satisfactionem & absolutionem, quamdiu Reuerendis. Domino Loci ordinario videbitur, decernit. C

C O N S T I T U T I O N E S

Statuit item & ordinat, ne Abbates, Præpositi, Abbatissæ, & Priorissæ cum Conuentibus suis, vel alii quicunq; etiam sæculares beneficiati, alienationes vllas bonorum, iuriumue, pertinentium ad Ecclesias quibus præsunt; locationes item, seu alios quoscunq; contractus, qui alienationem quouis modo sapiant, etiam prætextu euidentis vtilitatis Monasterij aut Ecclesiæ, facere inireuè audeant, sine speciali sanctæ sedis Apostolicæ, Lociordinarii, ipsiusque Capituli consensu & approbatione. Si quid autem secus attentatum fuerit ab aliquo, præterquàm quòd nullum ac irritum erit ipso iure, contrafacientes etiam, pœnas in Constitutionibus Prouincialibus sancitas incurrant. Ad contractus tamen, super huiuscemodi, vel non diuturnos, vel de prouentibus fructibusue, non adeò magnis roborandos, Lociordinarii & Capituli simul; ad exiguos autem & paruo tempore duraturos, solius Lociordinarii consensus sufficiet.

Item prohibet, sub pœna excommunicationis incurrendæ ipso facto; ne quisquam etiam Regularium cuiuscunque ordinis, subtrahentes quoscunque vel impediētes decimas debitas Ecclesiis, absolvere ab hoc crimine præsumat; nisi plena earundem restitutione secuta. Similiter eos, qui in concionibus, priuatis colloquiis, aut vbilibet aliàs proferunt aliquid, ut audientes à solutione decimarum auertant; vel conscientis confitentium sibi, nullum de industria super solutione earundem scrupulum iniiciunt, decernit pœnas incurrere in Clement. Cupientes, de pœnis sancitas.

Et quoniam ut æquum, atque iuri omni maximè consentaneum est, debitas Ecclesiis decimas persolui; ita periniquum ex altera parte, ob supinam Clericorum, qui eas colligere differunt, negligentiam, & quandoque indignas Ecclesiasticis viris artes, reliquas laicorum segetes iacere
in cam-

SYNODI CRAC.

in campis diutissimè, celiq̃ue, bestiarum, & furum patere, iniuriis; indulget hæc eadem Synodus; vt cum primùm laici segetes quascunque iuxta genus & tempus illarum mesuerint, monuerintq̃; denunciatione trina, ac sustinuerint eos quibus decimæ debentur, cum hyemalibus quidem ad festum S. Bartholomæi, cum æstiuilibus autem ad Natiuitatem vsque B. Virginis Mariæ, modo à Constitutionibus Prouincialibus præscripto, illi autem nihilominus decimare eas distulerint; possint ipsi suas nouem partes, adhibitis in testimonium duobus ciuitatis, oppidi, aut villæ Scabinis, conducere ad horrea pro libitu: sententiasq̃ue omnes Censurarum, quas hoc nomine ferri contra eos Clerici curauerint, irritas & inanes decernit.

Inhærendo etiam decreto Conc. Tridentini, præcipit, vt Quarta, quam funeralium vocant, solui Parochialibus Ecclesiis ante quadraginta annos consueta, sed postea intermissa, aut ex aliquo priuilegio Monasteriis, Hospitalibus, vel aliis piis locis concessa, persoluatur integrè, vt antea, iisdem Ecclesiis; non obstantibus concessionibus, gratiis, & priuilegiis quibuscunque; aliàs producant iura sua, si qui se grauatos hoc nomine senserint.

De Iudicibus & Procuratoribus ad Iudicia Tribunalicia deputandis.

Monitos vult esse eos omnes Synodus, qui deinceps ex Clero Diœcesis huius Tribunalicii Iudices deputabuntur; vt memores officij sui, atque cogitantes seriò, quantum illorum absentia, si non asserre periculi, mora saltem ac dilatione nocere Cleri & Ecclesiarum negotiis possit, tempestiuè ad locum Iudiciorum conueniant: neque, inde discedant sine graui & vrgente causâ, sub poena arbitrio Reuerendis, Domini Lociordinarii irroganda,

CONSTITVTIONES

Quò autem maturiùs prædictorum Deputatorum electio, maioriq̃ue illorum, qui ad eam pertinent, frequentia fiat; certam atque definitam celebrationi eius diem, primam videlicet Octobris, in Ecclesia Cathedrali assignat.

Placet præterea, constitui à Reuerendis. Domino Lociordinario certos aliquos Procuratores, apud idem Tribunal Regni, qui egentioribus Parochis, & aliis Sacerdotibus, in prosequendis contra seculares eorum iniuriis, bonisq̃ue & iuribus Ecclesiarum vindicandis, fideliter consulant ac patrocinentur.

De instituendis Archiuiis.

Quia sæpe cum maximo Ecclesiarum detrimento, iura & priuilegia earundem, beneficiatorum obitu, vel aliis fortuitis casibus depereunt: visum est Synodo, vt tam in Cathedrali quàm Collegiatis omnibus, Monasteriis itē, Hospitalibus & aliis celebrioribus Ecclesiis, instituantur Archiua: in quibus foundationes, & aliæ quæcunq; ad bona & iura illarum spectantes scripturæ, nitidè, atque sub duabus minimùm clauibus, seruentur. A Parochis verò ad Reuerendis. Dominum Lociordinarium deferantur Originalia, relictis penes se & Officiales foraneos autenticis illorum transumptis; quæ posteaquam libro beneficiorū conscribendo nouiter ingrossata fuerint, si quæ adhuc antiquo ingrossata non sunt, dabuntur seruanda ob securitatem, ad Archiua Cathedralis vel Collegiatæ alicuius proximioris Ecclesiæ; vnde quandocunque occurrer necessitas, repeti poterunt à Parochis, & iterum ibidem deponi.

De impressione & venditione librorum.

Prohibetur etiam Typographis atque Librariis omnibus, ne cuiusvis generis libros, iudicia Astronomica, & alia

SYNODI CRAC.

alia quantumuis minuta, nisi prius visa & approbata à Locordinario, vel Deputatis eius, tam ipsi imprimere, quàm impressa alibi inferre Diœcesi audeant, sub pœnis in Constitutionibus Prouincialibus sancitis; quas innouat, atque in viridi obseruantia esse cupit.

De Iudæis.

Quoniam Christianos, in magnum religionis Christianæ dedecus, subesse quouis modo Iudæis non conuenit; prohibet seuerè Synodus, ne conductione bonorū terrestrium, aut aliàs quomodolibet, obtinere quodcūque potestatis vel iurisdictionis genus, super Christianos permittantur; ne uē seruos & ancillas domi suæ alere aut infantes suos à mulieribus Christianis lactari nutririue facere præsumant, sub pœnis in Regni statutis expressis, pro Iudæo quidem contra faciente centum marcarum soluendarum Magistratui, pro ancilla verò aut seruo carceris.

De Examinatoribus promouendorum ad Parochiales.

Exequendo Synodus decretum Conc. Tridentini, eligit Examinatores promouendorum ad Parochiales Ecclesias, propositos à Reuerendis. Domino Episcopo, Reuerendos & Venerabiles DD. in Curia quidem Reuerendis. Martinum Szyfzkovvski Canonicum Cracouiē Cancellarium I. V. Lucam Doctorem Decanum Luceorie. Sacræ Theolog. Iacobum Ianidlouium I. V. Assessores Iudiciorum Reuerendis. D. suæ. apud Officium verò generale, Ioannem Foxium Canonicum Cracouiē, I. V. Doctores, Ioannem Volbramum I. V. Licenciatum, & Adamum Romeiriuni, Sac. Theolog. Baccalaureum, Academia Cracouiē Professores.


CONSTITUTIONES

De Commissariis causarum Curie Romanae.

Iudices item Commissarii, quibus causæ spirituales & ad forum Ecclesiasticum pertinentes, à sede Apostolica, Legatisue, aut Nunciis eius, delegandæ in hac Diœcesi erûnt, insistenti decreto eiusdem Concilii, designat Reuerend. DD. Ioannem Barski Archidiaconum, Ioannem Crafinski Cantorem, Petrum Gorcinium, Nicolaum Dobrocieski Canonicos Cracouieñ, Ioannem Wielicki Decanum
I. V. Doctores, & Gasparem Cichocki
Canonicum, Sendomirienses.



CON-



CONSTITVTIONES SYNODI, ANNO DO- MINI M. DC. VII. DIE XVIII.


Septembris Crac. in Ecclesia Collegi-
ata SS. Omnium celebratæ.

PRÆSIDENTE

*Illustriß: & Reuerendiß: Domino PETRO
TYLICKI, Episcopo Cracouien.*

Constitutio Prima.

De Vita & honestate Clericorum.



VM cœlestis gratiæ munere, ea inter alias
benedictione Diœcesis hæc nostra diuini-
tùs sit ornata, vt anterioribus Synodis abun-
dè statutum sit, quicquid ad Sacrorum di-
spensationem & Cleri mores rectè & ex
formula SS. Canonum componendos atti-
net, præsens Synodus inprimis decernit, vt quicquid Con-
stitutionum præteritæ Synodi Prouinciales & Diœcesanæ,
de omnibus vitæ & honestatis Clericorum officiis, ac simul
de luxu, commestrationibus, choreis, aleis, lusiis, sæcula-
ribusq; negotiis fugiendis, sanciuerunt, etiamsi desuetudine
exauthoratæ sint, eas omnes qui in hac Diœcesi diuino mi-
nisterio se dedicârunt, sanctè obseruèt, factisq; ac vitæ actio-
nibus, quod perpetuum est prædicandi genus, populū cuius
salutis

CONSTITVTIONES

salutis custodiam sortiti sunt, ad pietatē & Dei cultum assidue instruant. Tum & bona Ecclesiæ, quæ patrimonium Christi sunt, in victu & vestitu ita vsibus suis accommodent, vt ex eorum victus ratione alij frugalitatis exempla petant. Vestitu etiam extrinseco morum honestatē ita ostendant, vt à rebus sæculi in sanctiorem gradum, se sublatos vndequaque profiteantur. In transgressores quarumcunq; de vita & honestate Clericorum sanctionum, siue in anteaactis Synodis rogatarum, siue iure communi comprehensarum, Reuerendis: Dñus Episcopus animaduertat, ac pœnas arbitrio suo ipsis irroget. Eas verò dignitates siue Præfecturas Ecclesiasticas, in Diœcesi gerentes, quibus Episcopalem sollicitudinem releuare incumbit, officiorum suorum partes ita expleant, ne intermissæ suæ vocationis & neglectæ subditorū emendationis, dignas Deo vindice pœnas persoluât.

Constitutio Secunda.

De Compositione.

DEcimæ atq; vniuersum Ecclesiæ patrimonium, cum sint largitio Dei omnipotentis, easq; in recognitionē vniuersalis Dominii sibi reseruauerit, earum nomine compositioni, quam ordo Equestris vrget, ita se Synodus accommodare intendit, in quantum ex iuris præscripto sibi licet, & ita ineundam decernit, vt nullo res Ecclesiasticæ incommodo afficiantur, Ecclesiæq; ob inopiam ad desolationem adigantur. Ad eam autē tractandam, deputat Rñdos Dños, MICHAËLEM Maliszewski, Abbatem S. Crucis, HIERONYMVM Ręczański Archidiaconum, HIERONYMVM Powodowski, NICOLAVM Dobrocieski, ANDREAM Lipski, Canonicos Cracouiē. & PAVLVM Sczerbic Prapositum Sendomiriē. Pro sumptu ibidem faciendo quartam partem simplæ contributionis vniuersus clerus illis offert, quam

quam ad Decanos rurales conferet. Decani autem ad Officiales tuos ante festum sanctorum Omnium. Officiales ante festum S. Martini ad Rñdum D. Ioannem Foxium Canonicum Ecclesiæ Cathedralis Crac. transmittent. Qui subsidium tempore decreto exoluere neglexerit, integra contributione simpla ab Officiali mulctetur.

Constitutio Tertia.

De decimis ex peculio Ecclesiæ.

DVdum sacris Canonibus sancitum est, ne quisquam, Ecclesiasticorum, alterius Ecclesiæ patrimonium inuadat, aut Decimas aliorum sibi vsurpet, vel prapediat, aut inuasioni siue vsurpationi earum consentiat; nihilominus aliquibus spiritualibus Ordinationibus SS. Canonum hac in parte contraueniens, Statutumq; Prouinciale hoc nomine latum contemnens, præsens Synodus vltra pœnam dupli in Synodo Prouinciali sancitam, pœnas à SS. Concilio Tridentino contra raptores Ecclesiæ promulgatas, ad raptores Decimarû extendit & promulgat. Conc: Triden. Sess: 22. cap: 11.

Constitutio Quarta.

De sustentatione Seminarij.

AD dispensanda ex vtilitate animarum SS. Fidei mysteria, permultum in recta eorum, qui Ordini sacro nomina daturi sunt institutione, esse positum Synodus experimento nuper edocta, quando præterita Synodi decreto Seminarium Clericorum ordinatum, complures rerum, Ecclesiasticarum scientia instructos sacerdotes protulit: ne sustentatio eidem Seminario desit, statuit vt omnes in Diœcesi Abbates & Religiosi, Prapositi, Prioresq; ac Abbatissæ,

CONSTITUTIONES

tissæ, simplam contributionem pro sustentandis Clericis in Seminario degentibus pendant ad triennij decursum. Quæ contributio initio mensis Decembris ad R. D. Ioannē Foxium, Ecclesiæ Cathedralis Canonicum conferatur. Qui tempore præscripto non exoluerit, per Rñdis: D. Episcopum dupla contributione mulctetur. Porro vt plures ministerio Ecclesiastico operarios idem Seminarium sufficiat, Rñdis: D. Episcopus ducentos annuos florenos pro eius vsibus in prouentu ex fodinis metallorum Kielcensibus assignat. Et Venerabile Capitulum Ecclesiæ Cathedralis cōsiliū de subsidio eidem Seminario præstando, ad generale Capitulum quod appetit, refert. Si antequam triennium quo isthæc stipendia decreta penduntur, exactum fuerit, ex ordinatione prioris Synodi sumptus Seminario prouenire ceperit, pensio superscripta antiquetur.

Constitutio Quinta.

De scrutinio Ordinandorum.

E Docta hætenus experimento Synodus, plerosq; emendicato de moribus & natalibus minus conuenientit testimonio, ad Ordines promoueri velle, deinde non ad adificationem, sed ad destructionem fidelibus esse. Idcirco statuit iuxta prioris Synodi præscriptū, vt deinceps omnes & singuli, Ordines accepturi, minores quidem bonum à Parocho & Magistro scholæ testimonium habeant. Hi verò qui ad singulos maiores Ordines erunt assumendi, per mensem ante Ordinis acceptionem, Officialem districtus, in quo degunt, accedant, qui deinceps Parocho illorum, aut ei cui magis expedire iudicauerit, committat: vt nominibus ac desiderio illorum, qui volent promoueri, publicè in Ecclesia propositis, de ipsorum Ordinandorum natalibus, aetate, moribus, & vita, à fide dignis inquisitionem instituat,

& li-

& literas testimoniales ipsam inquisitionem continentes, ad examinatores Ordinandorum in Rotulo clauso trāsmittat. Et quia multi fictas prouisiones Ordinandis publicis tabulis insinuant, animo, & aliquando cum pacto, quòd illis nihil daturi, & ordinādi, illis non ministraturi sint; obuiando huic, ad eneruandam Ecclesiasticam disciplinam, comparatæ fraudi, quæ Clericis vagandi & mendicandi causam præbet, pœnam excōmunicationis contra eos qui talem prouisionē concedunt, & qui eam acceptant, Synodus decernit. Quod si hac ratione fictæ prouisiones cohiberi nequeant: vltra pœnam nunc statutam, alias grauiores Illustris: D. Episcopus promulgabit & irrogabit.

Constitutio Sexta.

De subsidio pro infirmis sacerdotibus conferendo.

CVM homines in sortem Domini vocati, arctiùs aliis fidelibus ad officia charitatis obligentur, eorumq; bona ex patrimonio Ecclesiæ quæsitæ, Dei sint: statuit Synodus, quicumq; Ecclesiasticorum supremæ voluntatis testamentarię elogio bona sua dispensat, pro infirmorum sacerdotum domo, prioris Synodi decreto erecta, ad minimum duos florenos Polonicos leget. Alioquin peculij per eos relictī, circa confirmationem testamenti, aliqua portio eidem domui applicabitur. Eos verò qui ritu solenni Religionem professi Beneficia Regularia obtinent, cū ius condendi testamenti non habeant, hortatur Synodus, vt pro eo atq; pauperum & miserabilium personarum paternam curam gerere debent, ad eorundem senio morbiq; confectorum sacerdotum sustentationem, aliquid de bonis suis, elemosina intuitu, etiam in agitudine constituti, largiantur. Præsenti decreto, de subsidio testamentario in sacerdotibus egros faciendo, Synodus liberę testandi potestati, quod

CONSTITUTIONES

quod vniuersa prouincia S. Sedis Apostolicæ beneficio est
sortita, derogare nequaquam intendit.

Constitutio Septima.

De Examinatoribus Parochorum & Iudici- bus delegatis.

Decretum SS. Conc: Trident. De Examinatoribus Pa-
rochorum & Iudicibus delegatis, quibus à S. Sede
Apostolica, aut quopiam alio iudice, qui Ordinario est su-
perior delegandæ sunt, Synodus exequendo, Examinato-
res futurorum Parochorum ab Illustriss: Dño Episcopo pro-
positos Synodus approbat. In curia Episcopali, Curia Illu-
striss. D. Episcopi Cancellarium, Andream Zagorny I.V.D.
Kurzelonien. Petrum Skidzinski Zavichyvoften. Archidia-
conos. Apud Officium Generale, Martinum Vadouium
S. Annę, Sebastianum Nucerinũ Scarbimirien. Canonicos,
S. Theol. Ioannem Wolbramum Prapositum S. Nicolai I.V.
Doctores. Ad causas autem delegata potestate iudicandas,
Rñdos Dños, Ioannem Krasinski Cantorem, Albertũ Szy-
dlovski Custodem, Nicolaum Dobrocieski, Ioannem Fo-
xium, Canonicos Crac. Paulum Sczerbie Prapositum, Io-
annem Wielicki, Decanum Sendomirienses. Et quia ante-
quam Synodi huius constitutiones prælo mandatæ essent,
vnus ex his qui ad iudicia delegata deputati sunt è viuis ex-
cessit, nempe Rñdus olim Nicolaus Dobrocieski, Reueren-
diss. Dñus Episcopus ex præscripto SS. Concilij Tridentini,
consilio Venerabilis Capituli Ecclesiæ suę Cathedralis ad-
hibito, in eius locum sufficit R. D. Hieronymum Ręczayski
Archidiaconum Cracouiensem.

Con-

Constitutio Octaua.

*De iudicibus ad Iudicia Tribunalis Regni
deputatis.*

QVI ex ordine Ecclesiastico ad iura in Tribunali Regni dicenda deliguntur, ordinat Synodus, vt ex formula præteritæ Synodi muneri suo incumbant. Ne autem stipendia ipsis hætenus decreta, si non suo tēpore exoluantur se à Iudiciis subtrahendi occasionem præbeant, statuit Synodus, vt eadem ab omnibus pro festo D. Martini ad Procuratorem Venerabilis Capituli Ecclesiæ Cathedralis conferantur. Qui hoc tempore non exoluerit, duplicato eodem stipendio à Rñdis: D. Episcopo mulctetur. Eorundem stipendiorū quantitatē hætenus decretā, ne aliquādo per desuetudinē aboleantur, aut ambiguitate inuoluantur, præsens Synodus innouat & promulgat.

*Contributio pro Rñdis D. Iudicibus ad Iudicia
Tribunalis Regni.*

Abbas Tinecensis	fl 200.	Præpositus Pinczouiē.	fl 10.
Abbas Wachocē	fl 200.	Præpositus Besłouiensis	fl 6.
Abbas Andreiouiē.	fl 100.	Præpo: S. Spiritus Crac:	fl 5.
Abbas Sicciechouiē.	fl 100.	Prouincialis Częstoch.	fl 15.
Abbas Coprivnicen.	fl 100.	Præpositus in Krasnik	fl 4.
Abbas Clara tumbæ	fl 100.	Præpositus in Trzciáná	fl 2.
Abbas S. Crucis	fl 50.	Præpositus Krzizanou.	fl 2.
Abbas Chebdouiē.	fl 30.	Abbatissā Sandecensis	fl 60.
Abbas Ciricensis	fl 30.	Abbatissā Zvierzynē	fl 40.
Abbas Sandecensis	fl 5.	Abbatissā Staniaten.	fl 30.
Præpositus Miechouiē. ex cō-		Abbatissā S. Andreæ	fl 30.
suetudine talar: 100.		Abbatissā Buscensis	fl 10.
Præpo: Cor: Chri: Cra: fl: 16.		Abbatissā Hymbram.	fl 10.

Promulgatio Bullæ Cænæ Domini.

PETRVS TYLICKI, Dei & Apostolicæ Sedis
gratia Episcopus Cracouiensis. &c.

Sacrofancta Romana Ecclesia, quam imperscrutabilis Diuinæ prouidentia altitudo cunctis prætulit Ecclesiis, die quo salutis nostra opus cepit, medicinalia excommunicationis decreta, contra peruicaciam suorum, quos in Christo genuit, filiorum, promulgare consuevit, eademq; ut sæpius in Ecclesiis promulgentur, irrefragabili constitutione sanxit, quod ad Ecclesiam, cuius sinu propria temeritate excidunt, postliminio redire, pœnitentiæq; tanquam prodigius filius ducti, Diuinæ Maiestati se acceptabiles reddere satagant. Itaque hanc disciplinantem non eradicatam pœnam à Christi Vicario promulgatam, hisce Cōstitutionibus apponimus. Uniuersis præcipiendo, eam publicari formula & tenore suo, qui is est.

P A V L V S

Episcopus, Seruus seruorum Dei, &c.

Rastoralis Romani Pontificis vigilantia, & sollicitudo, cum in omni Christianæ Reipublicæ pace, & tranquillitate procuranda, pro sui muneris officio assiduè versatur, tum potissimum in Catholicæ fidei sine qua impossibile est placere Deo, vnitatem, atque integritatem retinenda, & conseruanda, maximè elucet. Nimirum, ut fideles Christi non sint paruuli fluctuantes, neq; circumferantur omni vento doctrinæ in nequitia hominum, ad circumuentionem erroris, sed omnes occurrant in vnitatem fidei, & agnitionis filij Dei in virum perfectum, neque se in huius vitæ societate & communione laedant, aut inter se alter alteri offensionem præbeat, sed potius in vinculo charitatis coniancti, tanquam vnius corporis membra sub Christo capite, eiusq; in terris Vicario Rom. Pontifice Beatiissimi Petri successore, à quo totius Ecclesiæ vnitatem dimanat,

augeant.

COENÆ DOMINI.

augeantur in edificationem, atq; ita diuina gratia adiutrice, sic præsentis vitæ quiete gaudeant, vt futura quoq; beatitudine perfruantur. Ob quas sanè causas Rom. Pōtiffices prædeceffores noſtri, hodierna die, quæ anniuersaria Domini- cæ Coenæ commemoratione ſolemnis eſt, ſpiritualem Ec- cleſiaſtica diſciplinæ gladiū, & ſalutaria iuſtitia arma per miniſterium ſummi Apoſtolatus ad Dei gloriam, & anima- rum ſalutem ſolemniter exercere conſueuerunt. Nos igi- tur, quibus nihil optabilius eſt, quàm fidei inuiolatam in- tegrilatē, publicam pacem, & iuſtitiam, Deo auctore, tu- eri, vetuſtum, & ſolemnem hunc morem ſequentes.

1. Excommunicamus, & anathematizamus, ex parte Dei Omnipotentis, Patris, & Filij, & Spiritus ſancti, auctoritate quoq; Beatorum Apoſtolorum Petri & Pauli, ac Noſtra, quoscuq; Huſſitas, Wiclephitas, Lutheranos, Zuinglianos, Caluiſtas, Vgonottos, Anabaptiſtas, Trinitarios, & à Chriſtiana fide Apoſtatas, ac omnes, & ſingulos alios Hæ- reticos quocunq; nomine cenſeantur, & cuiuſcuq; ſectæ exiſtant, ac eorum credentes, receptatores, fautores, & ge- neraliter quolibet eorum deſenſores, ac eorundem libros hæreſim continentes, vel de Religione tractantes, ſine au- ctoritate noſtra & Sedis Apoſt. ſcienter legentes, aut reti- nentes, imprimentes, ſeu quomodolibet defendentes ex- quauis cauſa publicè, vel occultè, quouis ingenio, vel colo- re, necnon Schiſmaticos, & eos, qui ſe à noſtra, & Romani Pontificis pro tempore exiſtentis obedientia pertinaciter ſubtrahunt, vel recedunt.

2. Item excommunicamus, & anathematizamus, omnes & ſingulos cuiuſcuq; ſtatus, gradus, ſeu conditionis fue- rint: Vniuerſitates verò, Collegia, & Capitula quocunq; nomine nuncupentur, interdiciamus: ab ordinationibus, ſeu mandatis noſtris, ac Romanorum Pontificum pro tempore exiſtentium ad vniuerſale futurum Concilium appellātes:

nec-

necnon eos, quorum auxilio, vel fauore, appellatum fuerit.

3. Item excommunicamus, & anathematizamus omnes Piratas, Curfarios, ac Latrunculos maritimos, discurrētes Mare nostrum, præcipuè à Monte Argentario vsq; ad Terracinā, ac omnes eorū fautores, receptatores, & defensores.

4. Item excommunicamus, & anathematizamus omnes & singulos, qui Christianorum quorumcunque nauibus, tempestate seu in transuersum (vt dici solet) iactatis, vel quomodo naufragium passis, siue in ipsis nauibus, siue ex eisdem eiecta in mari, vel in littore inuenta, cuiuscunque generis bona, tam in nostris Tyrrheni, & Adriatici, quam in cæteris cuiusq; maris Regionibus, & littoribus, surripuerint; ita vt nec ob quodcunq; priuilegium, consuetudinē, aut longissimi etiam immemorabilis temporis possessionē, seu alium quemcunque prætextum excusari possint.

5. Item excommunicamus, & anathematizamus omnes, qui in Terris suis noua Pedagia, seu gabellas, præterquam in casibus sibi à iure, seu ex speciali Sedis Apost. licētia permissis, imponunt, vel augent, seu imponi, vel augeri prohibita exigunt.

6. Item excommunicamus, & anathematizamus omnes falsarios literarum Apostolicarum, etiam in forma Breuis, ac Supplicationum, gratiam, vel iustitiam concernentium, per Rom: Pontificem, vel S.R.E. Vicecanc. seu gerentes vices eorum, aut de mandato eiusdem Rom: Pontificis signatarum, necnon falsò fabricantes literas Apostolicas, etiam in forma Breuis, & etiam falsò signantes Supplicationes huiusmodi sub nomine Rom: Pontificis, seu Vicecanc. aut gerentium vices prædictorum.

7. Item excommunicamus, & anathematizamus omnes illos, qui ad Saracenos, Turcas, & alios Christiani nominis hostes & inimicos, vel Hæreticos, per nostras, siue huius sanctæ Sedis sententias expressè, & nominatim declaratos, dese-

deferunt, seu transmittunt equos, arma, ferrum, filum ferri, stannum, chalybem, omniaq; alia metallorum genera, atq; bellica instrumenta, lignamina, canapem, funes, tam ex ipso canape, quàm alia quacunq; materia, & ipsam materiã, aliaq; huiusmodi, quibus Christianos & Catholicos impugnât, necnon illos, qui per se vel alios de rebus statum Christianæ Reipub. concernētibus, in Christianorū perniciem, & damnum, ipsos Turcas, & Christianæ religionis inimicos, necnon hæreticos, in damnum Catholicæ Religionis, certiores faciunt, illisq; ad id auxilium, consilium, vel fauorem quomodolibet præstât. Non obstantibus quibuscunq; privilegiis, quibusuis personis, Principibus, Rebus publicis, per Nos, & Sedem prædictam hætenus concessis, de huiusmodi prohibitione expressam mentionem non faciētibz.

8. Item excommunicamus, & anathematizamus omnes impediētes, seu inuadentes eos, qui victualia, seu alia ad vsum Romanæ Curiaē necessaria adducunt, ac etiam eos, qui ne ad Romanam Curiam adducantur, vel afferantur prohibent, impediunt seu perturbant, seu hæc facientes defendunt per se, vel alios cuiuscunq; fuerint ordinis, præ-eminentiæ, conditionis, & status, etiam si Pontificali, seu Regali, aut alia quauis Ecclesiastica, vel mundana præfulgeant dignitate.

9. Item excommunicamus, & anathematizamus omnes illos, qui ad Sedem Apostolicam venientes, & recedentes ab eadem, sua, vel aliorum opera interficiunt, mutilât, spoliānt, capiunt, detinent, necnon illos omnes, qui iurisdictionem ordinariam, vel delegatam, à Nobis, vel nostris iudicibus non habentes, illam sibi temerè vendicantes, similia, contra morantes in eadem Curia, audent perpetrare.

10. Item excommunicamus, & anathematizamus omnes interficientes, mutilantes, vulnerantes, detinentes, capientes,

res, seu deprædantes, Romipetas, seu peregrinos ad Urbem causa deuotionis, seu peregrinationis accedentes, & in ea morantes, vel ab ipsa recedentes, & in his dantes auxilium, consilium, vel fauorem.

11. Item excommunicamus, & anathematizamus omnes interficientes, mutilantes, vulnerantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisq; Apostolica Legatos, vel Nuncios, aut eos à suis diœcesibus, Territoriis, Terris, seu Dominiis eicientes: Necnon ea mandantes, vel rata habentes, seu præstantes eis auxilium, consilium, vel fauorem.

12. Item excommunicamus, & anathematizamus omnes illos, qui per se vel alios, personas ecclesiasticas quascunq; vel seculares ad Romanam Cur. super eorum causis, & negotiis recurrentes, ac illa in eadem Curia prosequentes, aut procurantes, negotiorumq; gestores, aduocatos, procuratores, & agentes, seu etiam Auditores, vel Iudices super dictis causis, vel negotiis deputatos, occasione causarum, vel negotiorum huiusmodi, occidunt, seu quoquomodo percutiunt, bonis spoliant, seu qui per se, vel per alios directè, vel indirectè, delicta huiusmodi committere, exequi vel procurare, aut in eisdem auxilium, consilium, vel fauorem præstare non verentur, cuiuscunq; præminentia, & dignitatis fuerint.

13. Item excommunicamus, & anathematizamus omnes tam Ecclesiasticos, quàm seculares cuiuscunq; dignitatis, qui pretextentes friuolam quandam appellationem à grauamine, vel futura executione literarum Apostolicarum, etiam in forma Breuis, tam gratiam, quàm iustitiam concernentium: Necnon citationum, inhibitionum, sequestrorum, monitoriorum processuum, executorialium, & aliorum decretorum, à Nobis, & à Sede prædicta, seu Legatis, Nunciis, Præ-

COENÆ DOMINI.

eiis, Præsidentibus, Palatii nostri, & Cam: Apost. Auditoribus, Commissariis, aliisque Iudicibus, & delegatis Apostolicis emanatorum, & quæ pro tempore emanauerint, aut alias ad Curias seculares, & laicam potestatem recurrunt, & ab ea, instante etiam Fiscus Procuratore, vel Aduocato, appellationes huiusmodi admitti, ac literas, citationes, inhibitiones, sequestra, monitoria, & alia prædicta, capi, & retineri faciunt, quæ illa simpliciter, vel sine eorum beneplacito, & consensu, vel examine executioni demandari, aut netabelliones, & Notarii super huiusmodi literarum & processuum executione, instrumenta vel acta conficere, aut confecta, parti, cuius interest, tradere debeant, impediunt, vel prohibent, ac etiam partes, seu eorum agentes, cōsanguineos, affines, familiares, notarios, executores, & sub-executores literarum, citationum, monitoriorum, & aliorum prædictorum, capiunt, percutiunt, vulnerant, carcerant, detinent, ex Ciuitatibus, locis, & Regnis eiiciunt, bonis spoliant, perterrefaciunt, concutiunt, & comminantur per se, vel alium, seu alios, publicè, vel occultè, quæ alias quibuscumque personis, in genere, vel in specie, ne pro quibusvis eorum negociis prosequendis, seu gratiis, vel literis impetrandis ad Rom: Cur. accedant, aut recursum habeant, seu gratias ipsas, vel literas à dicta Sede impetrent, seu impetratis vtantur, directè aut indirectè prohibere, statuere, seu mandare, vel eas apud se, aut Notarios seu tabelliones, vel alias quomodolibet retinere præsumunt.

14. Item excommunicamus, & anathematizamus omnes, & singulos, qui per se, vel alios, auctoritate propria ac de facto, quarumcunque exemptionum, vel aliarum gratiarum & literarum Apostolicarum prætextu, beneficiales, & decimarum, ac alias causas spirituales, & spiritualibus annexas, ab Auditoribus, & Commissariis nostris, aliisque iudicibus

ecclesiasticis auocant, illarum uero cursum, & audientiam, ac personas, capitula, conuentus, collegia, causas ipsas prosequi volentes impediunt, ac se de illarum cognitione tamquam Iudices interponunt. Quæ partes actrices, quæ illas committi fecerunt, & faciunt, ad reuocandum, & reuocari faciendum citationes, vel inhibitiones, aut alias literas in eis decretas, & ad faciendum, vel consentiendum eos, contra quos tales inhibitiones emanarunt, à censuris, & pœnis in illis contentis absolui, per statutum, vel alias, compellunt, vel executionem literarum Apostolicarum, seu executorialium, processuum, ac decretorum prædictorum, quomodolibet impediunt, vel suum ad id fauorem, consilium, aut assensum præstant, etiam prætextu violentiæ prohibendæ, vel aliarum prætensionum, seu etiam donec ipsi ad Nos informandos, ut dicunt, supplicauerint, aut supplicari fecerint, nisi supplicationes huiusmodi coram Nobis, & Sede Apostolica legitime prosequantur, etiam si talia committentes fuerint Præsidentes Cancellariarum, Consiliorum, Parlamentorum, Cancellarij, Vicecancellarij, Consilij ordinarij, vel extraordinarij quorumcunque Principum secularium, etiam si Imperiali, Regali, Ducali, vel alia quacunque præfulgeant dignitate, aut Archiepiscopi, Episcopi, Abbates, Commendatarij, seu Vicarij fuerint.

15. Quæ ex eorum prætensione officio, vel ad instantiam partis, aut aliorum quorumcunque, personas ecclesiasticas, capitula, conuentus, collegia Ecclesiarum quarumcunque coram se ad suum tribunal, audientiam Cancellariam, Consilium, vel parlamentum præter Iuris canonici dispositionem, trahunt, vel trahi faciunt, vel procurant directè, vel indirectè, quouis quæsito colore: necnon qui statuta, ordinationes, constitutiones, pragmaticas seu quauis alia decreta in genere, vel in specie, ex quauis causa, & quouis quæsito colore, ac etiam prætextu cuiusuis consuetudinis
aut pri-

aut priuilegij, vel aliâs quomodolibet fecerint, ordinauerint, & publicauerint, vel factis, & ordinatis vfi fuerint, vnde libertas ecclesiastica tollitur, seu in aliquo læditur, vel deprimitur, aut aliis quouis modo restringitur, seu nostris & dictę Sedis, ac quarũcũq; Ecclesiarũ iuribus quomodolibet directè, vel indirectè, tacitè, vel expressè præiudicatur.

16. Necnon qui Archiepiscopos, Episcopos, aliosq; superiores, & inferiores Prælatos, & omnes alios quoscunq; Iudices ecclesiasticos ordinarios quomodolibet hac de causâ directè, vel indirectè carcerando, vel molestando eorum agentes, procuratores, familiares, necnon consanguineos, & affines impediunt, quo minus sua iurisdictione ecclesiastica contra quoscunq; vtantur, secundum quod Canones & sacrę Constitutiones Ecclesiasticę, & decreta Conciliorum generalium, & præsertim Tridentini statuũt; ac etiam eos, qui post ipsorum Ordinariorum, vel etiam ab eis delegatorum quorumcunq; sententias, & decreta, aut aliâs fori ecclesiastici iudiciũ eludentes, ad Cancellarias, & alias Curias sæculares recurrunt, & ab illis prohibitiones & mandata, etiam poenalia, Ordinariis, aut delegatis prædictis decerni, & contra illos exequi procurant, eos quoq; qui hæc decernunt, & exequuntur, seu dant auxilium, consilium, patrocinium, & fauorem in eisdem.

17. Quicũque iurisdictiones, seu fructus, redditus, & proventus, ad Nos & Sedem Apostolicam, & quascunq; ecclesiasticas personas ratione Ecclesiarum, Monasteriorum, & aliorum beneficiorum ecclesiasticorum pertinentes vsurpant, vel etiam quauis occasione, vel causâ, sine Romani Pontificis, vel aliorum ad id legitimam facultatem habentium expressa licentia sequestrant.

18. Quicũque collectas, decimas, talleas, præstantias, & alia onera clericis prælatis, & aliis personis ecclesiasticis, ac eorum, & Ecclesiarum, Monasteriorum, & aliorum benefici-

orum ecclesiasticorum bonis, illorumq; fructibus, redditibus, & prouentibus huiusmodi absque simili Rom: Pont. speciali & expressa licentia, imponunt, & diuersis etiam, exquisitis modis exigunt, aut sic imposita, etiam à sponte dantibus, & concedentibus, recipiunt. Necnon qui per se, vel alios directè, vel indirectè prædicta facere, exequi, vel procurare, aut in eisdem auxilium, consilium, vel fauorem præstare non verentur, cuiuscunq; sint præminentiae, dignitatis, ordinis, conditionis, aut status, etiam si Imperiali, aut Regali præfulgeant dignitate, seu Principes, Duces, Comites, Barones, & alij potentatus quicunq; etiam Regnis, Prouinciis, Ciuitatibus, & Terris quoquomodo Præsidentes, & Consiliarij, & Senatores, aut quauis etiam Pontificali dignitate insigniti. Innouantes decreta super his per sacros Canones, tam in Lateranensi nouissimè celebrato, quàm aliis Conciliis generalibus edita, etiam cum censuris & pœnis in eis contentis.

19. Item excommunicamus & anathematizamus omnes, & quoscunq; magistratus, & Iudices, Notarios, Scribas, Executores, Subexecutores quomodolibet se interponentes in causis capitalibus seu criminalibus contra personas ecclesiasticas, illas processando, banniendo, capiendo, seu sententias contra illas proferendo, vel exequendo, sine speciali, specifica, & expressa huius Sanctæ Sedis Apostolicæ licentia, quique eiusmodi licentiam ad personas, & casus non expressos extendunt, vel aliàs illa perperam abutuntur, etiam si talia committentes fuerint Consiliarij, Senatores, Præsidentes, Cancellarij, Vicecancellarij, aut quouis alio nomine nuncupati.

20. Item excommunicamus & anathematizamus omnes illos, qui per se, seu alios directè, vel indirectè sub quocunque titulo, vel colore inuadere, destruere, occupare, ac detinere præsumperint, in totum vel in partem, Almam Vrbem,

COENÆ DOMINI.

bem, Regnum Siciliae, Insulas Sardiniae, & Corsicae, Terras citra Pharum, Patrimonium Beati Petri in Tuscia, Ducatum Spoletanum, Comitatum Venasynum, Sabinensem, Marchiae Anconitanæ, Massæ Trebariæ, Romandiolæ, Campaniæ, & maritimas Prouincias, illarumq; Terras, & loca, ac Terras specialis commissionis Arnulforum, Ciuitatesq; nostras Bononiam, Casenam, Ariminum, Beneuentum, Perusium, Auinionem, Ciuitatem Castelli, Tudertum, Ferrariam, Comacum, & alias Ciuitates, Terras, & loca, vel iura ad ipsam Romanam Ecclesiam pertinentia, dictæque Romanæ Ecclesiæ mediatè, vel immediatè subiecta, necnon supremam iurisdictionem in illis Nobis, & eidem Romanæ Ecclesiæ competentem de facto vsurpare, perturbare, retinere, & vexare variis modis præsumunt, necnon adhaerentes, fautores, & defensores eorum, seu illis auxilium, consilium, vel fauorem quomodolibet præstantes.

Volentes præsentibus nostris processibus, ac omnia, & quæcunque his literis contenta; quousq; alij huiusmodi processus, à Nobis, aut Rom: Pontifice pro tempore existente fiant, aut publicètur, durare, suosq; effectus omnino sortiri.

Caterùm à prædictis sententiis nullus per alium, quàm per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo, cautione præstita, absolui possit, etiam prætextu quarumuis facultatum, & indultorum quibuscunq; personis ecclesiasticis, secularibus, & quorumuis Ordini, etiam Mendicantium, ac Militiarum regularibus, etiam Episcopali, vel alia maiori dignitate præditis, ipsisq; Ordinibus, & eorum Monasteriis, Conuentibus, & Domibus, ac Capitulis, Collegiis, Confraternitatibus, Congregationibus, Hospiralibus, & locis piis, necnon laicis, etiam Imperiali, Regali, & alia mundana excellentia fulgètib; per Nos, & dictam Sedem, ac cuiusuis Concilij decreta, verbo, literis, aut

ris, aut alia quacumq; scriptura in genere, & in specie concessorum, & innouatorum, ac concedendorum, & innouandorum.

Quòd si fortè aliqui contra tenorem præsentium talibus excommunicatione & anathemate laqueatis, vel eorum alicui absolutionis beneficium impendere de facto præsumplerint, eos excommunicationis sententia innodamus, grauius contra eos spiritualiter & temporaliter, prout expedire nouerimus, processuri.

Declarantes ac protestantes quamcumq; absolutionem, etiam solemniter per Nos faciendam, prædictos excommunicatos sub præsentibus comprehensos, nisi prius à præmissis, cum vero proposito vlteriùs similia non commitrendi, destiterint. Ac quo ad eos, qui contra Ecclesiasticam libertatem, vt præmittitur, statuta fecerint, nisi prius statuta, ordinationes, constitutiones, pragmaticas, & decreta huiusmodi publicè reuocauerint, & ex Archiuiis, seu capitularibus locis, aut libris, in quibus annotata reperiuntur, deleri & cassari, ac Nos de reuocatione huiusmodi certiores fecerint, eos non comprehendere, nec eis aliter suffragari, quin etiam per huiusmodi absolutionem, aut quoscumq; alios actus contrarios, tacitos, vel expressos, ac etiam per patientiam, & tolerantiam nostram, vel Successorum nostrorum quantocumq; tempore continuatam, in præmissis omnibus & singulis, ac quibuscumq; iuribus Sedis Apostolicæ, ac S. R. E. vndecumq; & quodcumq; quaesitis, vel quaerendis, nullatenus præiudicari posse, aut debere.

Non obstantibus priuilegiis, indulgentiis, & literis Apostolicis generalibus, vel specialibus, supradictis, vel eorum alicui, seu aliquibus aliis cuiuscumq; ordinis, status, vel conditionis, dignitatis, & præminentiæ fuerint, etiam si, vt præmittitur, Pontificali, Imperiali, Regali, seu quauis ecclesiastica, & mundana præfulgeant dignitate: vel eorum

Regnis

COENÆ DOMINI.

Regnis, Prouinciis, Ciuitatibus, seu locis à prædicta Sede ex quauis causa, etiam per viam contractus, aut remunerationis, & sub quauis alia forma, & tenore, ac cum quibuscumque clausulis, etiam derogatoriis derogatoriis cōcessis, etiam continentibus quod excommunicari, anathematizari, vel interdici non possint, per literas Apostolicas non facientes plenam & expressam, ac de verbo ad verbum de indulto huiusmodi, ac de ordinibus, locis, nominibus propriis, cognominibus, & dignitatibus eorum, mentionem, nec non consuetudinibus, etiam immemorabilibus, ac præscriptionibus quantumcunque longissimis, & aliis quibuscumque obseruantis, scriptis, vel non scriptis, per quæ contra hos nostros processus, ac sententias quominus includantur in eis se iuuare valeant, vel tueri.

Quæ omnia quo ad hoc, eorum omnium tenores, ac si ad verbum, nihil penitus omisso, infererentur, præsentibus pro expressis habentes, penitus tollimus, & omnino reuocamus, cæterisque contrariis quibuscumque.

Vt verò præsentibus nostri processus ad publicam omnium notitiam facilius deducantur, chartas, seu membranas Processus ipsos continentes, valuis Ecclesiæ S. Ioannis Lateran. & Basilicæ Principis Apost. de Vrbe appendi faciemus. Ut ij, quos processus huiusmodi concernunt, quod ad ipsos non peruenerint, aut quod ipsos ignorauerint, nullam possint excusationem prætere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper, ut processus ipsi, & præsentibus literæ, ac omnia & singula in eis contenta, eò fiant notiora, quò in plerisque Ciuitatibus, & locis fuerint publicata, vniuersis, & singulis Patriarchis, Primatibus, Archiepiscopis, Episcopis, & locorum Ordinariis, & Prælatibus vbi libet constitutis, per hæc scripta committimus, & in virtute sanctæ obedientiæ districtè præcipiēdo mandamus,

BVLLA COENÆ DOMINI.

damus, vt per se, vel alium, seu alios præsentem literas, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis maior populi multitudo ad diuina conuenerit, solemniter publicent, & ad Christifidelium mentes reducant, nuncient, & declarent.


Caterum Patriarchæ, Archiepiscopi, Episcopi, aliiq; locorum ordinarii, & Ecclesiarum Prælati, necnon rectores, ceteriq; curam animarum exercentes, ac presbyteri seculares, & quorumuis Ordinum regulares, ad audiendas peccatorum confessiones, quauis auctoritate deputati, transumptum præsentium literarum penes se habeant, easq; diligenter legere, & percipere studeant. Volentes earundem præsentium transumptis, etiam impressis, Notarii publici manu subscriptis, & sigillo Iudicis ordinarij Romanæ Curia, vel alterius personæ in dignitate Ecclesiastica constitutæ munitis, eandem prorsus fidem in iudicio, & extra illud ubiq; locorum adhibendam fore, quæ ipsis præsentibus adhiberetur, si essent exhibitæ, vel ostensæ. Nulli ergo omnino hominum liceat hanc paginam nostræ excommunicationis, anathematizationis, interdicti, innouationis, innodationis, declarationis, protestationis, sublationis, reuocationis, commissionis, mandati, & voluntatis, infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum eius, se noverit incursum. Dat. Romæ, Apud Sanctum Petrum, Anno Incarnationis Dominicæ, Millesimo Sexcentesimo septimo, pridie Idus Aprilis, Pontificatus nostri Anno secundo.




HÆC interim ad pastoralis ministerij dispensationem præsidia, unanimibus vestris suffragiis decreuimus, quæ dum in lucē emittimus, vobisq; intimamus; diuini oraculi, quo olim Moses à Domino compellatus est, vos commonefacimus, nempe, ut multitudinem vobis creditam in sinu vestro portetis, sicut nutrix portat infantem. Memores autem, Sacerdotium, quo insigniti estis, laboris non quietis nomen esse, exhibeatis in opere, quod signatis in nomine, populum videlicet Deo acceptabilem, sectatorem bonorum operum reddere satagite, tantoq; diligentius ad explendas vocationis vestre partes incumbite, quò magis & peccata nostra inundasse, & difficultates quæ ordinem sacrum exagitant, multiplicatas esse conspiciatis. Ad quas auertendas, vestrarum orationum fraterna subsidia ad Deum omnipotentem requirimus, ipsiusq; tutela & patrocinio vos resignamus.



5/10/2





OPRAWĘ WYKONANO

w prac. introl. konserwat.

Biblioteki „Ossolineum”,

Data 25.6.62 podpis Urajch

